



Synfocity = 729

mail us at : mzsynfo@gmail.com; mizoramsynod@gmail.com - Phone - 2314648

April 18, 2019

□ **ATC Valedictory Service**

April 12, 2019 (Zirtawpni) khan Aizawl Theological College chuan Valedictory Service an hmang a, kum 2018-19 Session a zirchhuakte thlahna hun an hmang a ni.

Thlahna inkhawm hi Rev. Prof. Vanlalnghaka Ralte, Principal, ATC-in a kaihrui a, Rev. Andrew H. Laltlanliana'n hunserh a hmang a. Rev. Lalenkawla kaihruiin lawmthusawi tawngtaina neih a ni a, ngaihdam dila tawngtaina Rev. P.C Vanlalhrui a kaihruiin neih a ni baw. Rev. Lianhmingthanga Sailo, Senior Executive Secretary-in zirchhuakte Certificate hlanin fuihna thuchah a sawi a, Rev. Lianhmingthanga Sailo chuan "Lal Isuan Petera hnenah 'Hengte ai hian nangin kei min hmangaih zawk em? tia a zawhna kha keimahni inzawt nawn fo ila, taima tak leh thahnem ngai taka rawngbawlin, thil dang zawng aiin Pathian leh a rawngbawlin hna hi ngaih pawimawh tlat tur a ni" tiin fuihna thuchah a sawi a ni. Principal Rev. Prof. Vanlalnghaka Ralte-in zirchhuakte hlanna hun a hmang.

Zirchhuakte thlahna thuchah Rev. Vanlalrawna, Lecturer ATC leh R. Lalengkima, Student Body President ten an sawi a, zirchhuakte lam atangin F. Lalremruata'n a sawi baw. Rev. R. Vanlalnghaka, Synod Secretary-in lawmman a hlan a, Vaivakawn Bial Zaipawl te an zai baw. Rev. Prof. Lawmsanga'n lawmthu sawiin Rev. K. Luangmuana, Theological Education Board member-in malsawmnain inkhawm a tin a ni.

Kumina ATC atanga zir chhuakte hi B.D = 27; M.Th = 34; D.C.P.C = 3; D.Th = 2, an vaiin mi 66 an ni a; an zinga mi 29 (43.93%) te hi Mizoram pawn atanga rawn zirte an ni.

□ **English - Mizo Dictionary Leikhabu thar tlangzarh**

April 12, 2019 (Zirtawpni) chawhnu dar 2:30 khan Synod Literature & Publication Board (SL&PB) buatsaih English-Mizo Dictionary chu Rev. B. Sangthanga, Executive Secretary i/c SL&PB-in Synod Conference Centre-ah a tlangzarh.

He tlangzarhna inkhawm hi Rev. Dr. C. Chawngmingliana, SL&PB Editor-in a kaihrui a, Upa C. Thanga, SL&PB Member-in hunserh a hmang a, Upa H. Ronghaka, SL&PB Joint Editor chuan inhmelhriattirna hun hmangin leikhabu tlangzarh tur chanchin a sawi nghal baw. Rev. Vanlalzuata, SL&PB BEC Member-in lawmthu sawiin, Rev. P.B. Mankima, SL&PB Member-in malsawmnain inkhawm a tin a ni.

SL&PB in English-Mizo Dictionary project a neih hi kum 30 zet kal ta atanga intan a ni a. Kohhran leh ram mamawh leikhabu chhuah tura ding a nih anga he leikhabu hi project-a an neih a ni a. Mi thiam 19 thlang chhuakin chan insemi Dictionary chu buatsaih tura ruahman chhoh a ni a.

En dik leh siam rem (edit) hna thawk turin mi thiam 12 ruat leh an ni a. Anni hian uluk leh thahnemngai takin en dik hna an khawih zui a ni. En dik hna hi uluk taka kalpui a nih avang hian a hun chung a rei lo thei lo va, changlung leh chhawr nahawm zawka tihchhuah thaa hriat a nih avangin a buatsaih chung hi a rei lo thei ta lo a ni. En dik chung a rei baw a, Synod Literature & Publication Board (SL&PB) Editor pawh tuna tang lai nen panga lai an inthlak hman a, a ziaktute zinga mi panga chuan chatuan ram min pansan hman baw. Dictionary hi Rs. 450/- man tur a ni a. Thumal (word) zawng zawng hi a hrilhfianna zawhah hian a hman dan tur entirna sentence dah nghal zel a ni baw. Synod Bookroom-ah lei theih a ni.

□ **Thawktu thar**

Synod Service Board chuan May 1, 2019 atanga thawk turin thawktu thar hetiang hian a la:

No.	Hming	Veng/Khua	Designation	Awmna tur
1.	Baby Lalrampari d/o Liandawli	Electric Veng, Lunglei	Office Assistant	Synod Office, Lunglei
2.	Zoremawia s/o Vanlalliana	Zobawk, Venghlun	Chowkidar	Synod Office, Lunglei
3.	C. Lalmuanawma s/o C. Chawngnuna	Vangtlang	Chowkidar	P.C Girls School
4.	Timothy Vanlalchhuanga Ngente, Kulikawn s/o Vanlaltluanga Ngente (L)		Moral Teacher	Synod HSS

□ **Missionary Training College Graduation Day**

April 16, 2019 khan Missionary Training College chuan Graduation Day vawi 7-na an hmang a. Missionary ni tura inbuatsaih, Bachelor of Missiology (B.Miss) zir chhuak mi 15-te hnenah Certificate hlan a ni a. Zirlai ti thate hnenah award chi hrang hrang pariat hlan a ni bawk. He hunah hian Synod hotute leh Kohhran hruaitute bakah sawm bik mi 300 zet an kal khawm a ni.

Graduation Service hi Principal Rev. Vanlalrova Khiantge-in a kaihruai a. MTC Registrar Rev. Remlalfaka'n Graduate tharte hmelhriattirna leh phochhuahna a nei a. Pu Lalrinliana Colney-in hunserh hmangin Rev. J.H Lalhruaizela'n lawmthu sawi tawngtaina a kaihruai a. Rev. Lianhmingthanga Sailo, Sr. Executive Secretary-in Certificate hlanin, Synod Secretary Rev. R. Vanlalngbaka'n lawmman chi hrang hrang a hlan bawk. Synod Mission Board Secretary Rev. C. Zoramawian Graduates tharte Pathian hnena hlanna hun a hman hnuin Rev. Dr. Vanlalngbaka Ralte, MTC Governing Board member-in tawngtaisakna hun a hmang. He hunah hian Synod Mission Choir an zai bawk.

Graduation Day hi Rev. Lalramliana Pachuau, PCI Moderator chuan hmanpuiin Graduation Day thuchah a sawi a. Mission hna chu Pathian mission a nih thu te, Chanchin Tha hril chu Kohhran hna pui a nih thu te leh Kohhran chu mission avanga lo awm a nih thute a sawi a. A aia hna pawimawh zawk a awm loh avangin Missionary training pawh tihchangtlun deuh deuh a tul thu a sawi. Moderator hian College Magazine thar a tlangzarh nghal bawk a ni.

Zirlai ti thate hnena award sem chhuah pariat dawngtute chu C. Zothantluangi, N. Seema Devi, Zomuanpuii, Vanlalmuanpuii leh Lalawmpuia te an ni a. A pumpuia ti tha ber lawmman Academic Excellence Award chu Zomuanpuii hnenah hlan niin, Vanlalmuanpuii chu Best Outgoing Student lawmman pek a ni bawk. MTC Faculty aiawh Dr. Laldineni leh zirlai pahnihte hnen atangin inthlahna thu tawi ngaihthlak niin Upa R.K. Ramherliana'n lawmthu a sawi bawk. MTC Governing Board member Rev. Chuauthuama'n malsawmnain a tin a ni.

Missionary Training College hi kum 1978 khan Missionary Training Department tiin Aizawl Theological College-ah bul tan a ni a. Kum 1996 atang khan ATC Campus Durtlanga sawn chhoh a nih khan SMTC-ah beh tir a ni a chumi hnuah SMTC atangin lak hran niin Missionary Training Centre tih a lo ni ta a ni. Kum 2007 Synod chuan College-a hlankai a remti a, Synod thurel angin June 4, 2010 khan Missionary Training College chu a lo piang ta a ni. MTC-ah hian Senate of Serampore College degree Bachelor of Missiology (B.Miss) kum 3 course kalpui mek a ni a, B. Miss bakah missionary training chi hrang hrang kalpui mek a ni bawk.

□ **Good Friday leh Easter Sunday**

April 19, 2019 (Zirtawpni) hi Good Friday a ni a, April 21, 2019 (Pathianni) hi Easter Sunday a ni bawk a. April 18 (Maundy Thursday) atangin Good Friday Programme hi hman tan a ni. Presbyterian Kohhran chuan Good Friday leh Easter Sunday thupui inang tlang an zirho ang.

April 18, 2019 (Ningani Zan/ Maundy Thursday)

Thupui : Mi vengpui rawh u

Chhiar tur : Mt. 26 : 36 - 46

April 19, 2019 (Zirtawpni) Good Friday

Chawhma Inkhawm

Thupui : Isua an hnawl

Chhiar tur : Lk 23:13-25

Chawhnu Inkhawm

Thupui : Ka pa, anni hi ngaidam rawh

Chhiar tur : Lk. 23 : 26 - 38

Zan Inkhawm

Thupui : Kraws - Inremna

Chhiar tur : Rom 5 : 8 - 11, Eph. 2 : 11 - 18

Good Friday leh Easter Sunday hi Krismas te anga a Ni ngai hman a ni lo va, a chhan chu Lal Isua thih hun lai hi Judate Kalhlen Kut hman lai vel Nisan ni 14 vel a ni a, chu chu March thla chawhnu lam, March 20 hnu, April ni 25 hma lam si, thla fang bial lai a ni a. Chuvangin tun thleng hian Good Friday hun hi March ni 20 leh April ni 25 inkara thla fang bial lai, Zirtawpni hi a ni ta zel a. Good Friday hma Pathianni hi Tumkau ni -ah hman a ni a, Good Friday zawh Pathianni hmasa ber chu Isua Thawhlehni, Easter Sunday a ni ta zel a, Easter Sunday atanga chhuta ni 50-na chu Pentikos ni a lo ni ve leh bawk a ni. Thla fang bial lai chhuta a hun leh ni ruat thin a nih avangin heng ni pawimawh te hi a hun leh ni a danglam deuh hret hret thin a ni.

April 21, 2019 (Pathianni) Easter Sunday

Chawhma Inkhawm

Thupui : Thihna hnehin a tho leh ta

Chhiar tur : Mk. 16 : 1 - 8, Rom 6 : 9 - 11

Chawhnu Inkhawm

Thupui : Tholeh Lalpa nena len dun

Chhiar tur : Lk. 24 : 28 - 32

Zan Inkhawm

Thupui : Amah angin kan tho leh ang

Chhiar tur : I Kor. 15 : 12 - 34

- ❑ **Synod Mission Board**
 - ◆ April 14, 2019 (Pathianni) khan New Delhi Mission Field-ah puitling 1 in baptisma a chang.
 - ◆ April 14, 2019 (Pathianni) khan Odisha Mission Field-ah mi 13 (puitling 10 leh naupang 3)-in baptisma an chang.
 - ◆ April 10, 2019 (Nilaini) khan Dibrugarh kohhran, Assam-ah puitling pahnihin baptisma an chang.
 - ◆ April 12, 2019 (Zirtawpni) zan khan Assam Mission Field media ministry 'Risen' film Assamese-a a lehlin chu Pathian hnena hlan a ni a. Chumi hnuah AMF conference hall-ah enho a ni. He film hi You tube lama upload bakah rawngbawlina hmun hrang hranga film show tur a tan pawh a tangkai hle dawn a ni.
- ❑ **Education**

April 16, 2019 (Thawhlehi) khan Kolasib-ah Kolasib District chhunga PES Teacher-te training neihpuiin Pu P.C Vanlalhrauaia, Supervisor leh Committee member- te - Upa Dr. Lalrintluanga leh Upa Dr. C. Zarzoliana te an kal.
- ❑ **MSSU**
 - ◆ April 20, 2019 (Inrinni) hian Hlimen Vengthar Kohhranah Sunday School Zirtirtute training neihpui turin Upa Lalthahluna Ralte, MSSU Asst. Coordinator leh MSSU trainer te - Upa Lalrosanga Kawlni leh Upa K. Vanlalngbaka te an kal ang.
 - ◆ April 20, 2019 (Inrinni) hian Dinthar Vengthlang Kohhranah Sunday School Zirtirtute training neihpui turin Rev. C. Lalrosiama, MSSU Office leh MSSU trainer te - Upa Hrilthansanga leh Upa K. Zoremsanga, MSSU Trainer te an kal ang.
- ❑ **Kohhran Hmeichhia**
 - ◆ April 17, 2019 (Nilaini) khan Mission Veng Bialah Leadership training neihpuiin Comt. Member - te Pi Lalhmachhuani leh Pi Sawithangi te an kal.
 - ◆ April 24 - 29, 2019 chhung hian Shillong-ah PWF Committee leh NEICCWA Assembly hman turin Central Kohhran Hmeichhe hruaitute leh Zo khaw lam Bial aiawh mi 30 an kal ang.
- ❑ **KTP**

April 17, 2019 (Nilaini) khan Champhai Zotlang Branch Diamond Jubilee lawmna hmanpuiin Comt. Member-te - Upa K. Lalnuntluanga leh Pu Lalruatfela te an kal.
- ❑ **Synfo**
 - ◆ Hruaina Eng channel pawh thuam that tawh niin khawl thar hman a ni.
 - ◆ Hruaina Eng TV Programme Susamachar Prasaran programme pawh hmuhdawm leh changtlung zawk tura hmalak mek a ni a, Pathianni tlai dar 5 -ah Zonet Zawlbuk leh LPS-1-ah te tihchhuah thin a ni a, hei bakah hian Programme dang pawh tlai dar 4 - 6 leh zan dar 8 - 9-ah te tihchhuah thin a ni a, thlirtuten min lo thlirsak vek turin kan sawm a che u.
 - ◆ Synfo Recording Studio-ah Video leh Voice recording a tih theih a, kohhran hote hman duh kan awm chuan Synfo Coordinator hnenah dil theih a ni a, hei bakah hian Office Phone no. 2314648 ah pawh biak theih a ni e.
 - ◆ Hruaina Eng F.M Radio-ah Kohhran chet velna chanchin tlangpui puan chhuah tan a ni.
- ❑ **Synod Prison Ministry**

April 17 & 18, 2019 hian Chhiahtlangah Jail rawngbawlina neiin Rev. R. Lalvulluaia, Director leh Committee member-te - Rev. Lalsangmuana, Upa C. Lalthianghlina leh Upa C. Malsawmkima te an kal.
- ❑ **Synod Relief Fund**

Tun hnaia harsatna hrang hrang neite hnenah Synod Relief Fund atangin chhawmdawlina hetiang hian pek an ni.

S.No	Khua	Pek chhan	Chhungkaw zat	Chhawmdawlina pek zat
1.	Sakawrtuichhun	kangmei tuar	1	Rs. 4,000/-
2.	Tuidam	Damlo	1	Rs. 8,000/-
			TOTAL	Rs. 12,000/-
- ❑ **Synod Campus Ministry**

April 16, 2019 (Thawhlehi) khan Apollo School of Nursing-ah hun an hman a. Tv. Lalhmunzauva Tlau, Counsellor-in hun hmangin, 'Thuhriltuin thalaite hnena thurawn a sawi hmangin tunlai thalaite mamawh hrang hrang a sawi'.

□ **Hruaina Eng FM Radio**

◆ **APRIL 19, 2019 (FM Zoawi Aizawl & Lunglei @ 7:30 p.m.):**

Solo : Belinda L.Sailo - Hahdamna Kraws
Thusawi : Rev Lalrinmawia - Anchhedawng thihna Kraws
Zaipawl : Mizoram synod Choir - Ka tan i tuar
Chanchinthar: Kan Kohhran rawngbawlina peng hrang hrang
Zaipawl : Mizoram Synod Choir - Phuloh hmangaihna

□ **Hruaina Eng TV Programme**

Susamachar Prasaran Programme

◆ **APRIL 21, 2019 (Pathianni) 5:00 pm. :**

Group/Choir/Solo : Winston Mathew - Milkar Hum Gayenge
Group/Choir/Solo : Moreen, Solomon & Sunaina - Yesu zinda huwa
Sermon : Rev. Lalthatluanga - Yisu Mirtue Par Vijay Paya He
Group/Choir/Solo : Kawngkharmawii
Group/Choir/Solo : The Leprosy Mission Choir - Ham Soup Te He

◆ **APRIL 21, 2019 (Tv Programme) @ 4:00 - 6:00, 8:00 - 9:00 p.m) :**

Sermon : Rev. R. Vanlalnghaka - Easter Sunday pual
Weekly Round Up
KTP Kumpulan Film 2019
English - Mizo Dictionary tlangzarhna

□ **Moderator leh Executive Secretary-te Programme:**

Rev. R. Lalhmingthanga : Moderator

April 9 - 29, 2019 chung hian International Choral Festival & Wales Kohhran tlawhin a kal.

Rev. Lianhmingthanga Sailo : Senior Executive Secretary

April 20, 2019 (Inrinni) hian North Hlimen Pastor Bial Quarters enfelin a kal ang.

April 22 - 29, 2019 chungin Delhi-ah Delhi Bial zirchiang tur leh Kolkatta-ah Leadership training neihpui turin a kal ang.

Rev. B. Sangthanga : Executive Secretary

April 23, 2019-ah Financial Rules enthat committee an thu ang.

Rev. K. Lalrinmawia : Executive Secretary

April 23, 2019 ah PBS Graduation Day a hmanpui ang.

April 24, 2019 ah Ramthar BEC-ah a thu ang.

April 25, 2019 ah Synod HSS Property Committee-ah a thu ang.

April 28, 2019 chawhnuah Ramhlun North Bial Inkhawmpui a hmanpui ang.

HNA RUAK DIL THEIH

Mizoram Presbyterian Kohhran, Synod Office-a thawk turin a hnuai hna tarkan hi lak a ni dawn a, kum 18-35 inkar, ni 29.5.2019-a kum 18 pum, kum 35 la pumhlum lo tan dil theih a ni. Zuk leh hmuama fihlim tan dil theih a ni. Computer thiam duhsak theih a ni ang. Hna dilna Form hi Dt. 24.4.2019 atangin Synod Office-ah lakchhuah theih a ni ang a. Hna dilna Form-ah hriat tur pawimawh tihlan a ni.

Hna hming : Assistant Coordinator (Regular)

Post zat : 3 (pathum)

Thiamna : Graduate of any recognised University

Hlawh : Synod Pay Matrix Level - 8 step 1 Rs. 19,300/-

Dil theih hun chung : Dt. 20.5.2019 (Thawhtanni), 5:00pm thleng

Screening test / exam : Dt. 22.5.2019 (Nilaini), 10:30am

Interview : Dt. 28.5.2019 (Thawhlelni), 10:30am

Sd/-

(REV. LIANHMINGTHANGA SAILO)
 Secretary, Synod Service Board